



Politička organizacija građana "Naša stranka"
Branilaca Sarajeva 5/1, 71 000 Sarajevo
Telefon: 033 408 888; Fax: 033 408 881
E-mail: nasastranka@nasastranka.ba
Web: www.nasastranka.ba

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Prilježeno: 20-02-2020			
Org. jed.	Broj	Priljezi	Vrijednost
01-	02-	462	20

Amela Kuskunović

Poslanica u Predstavničkom domu Parlamenta Federacije Bosne i Hercegovine
Sarajevo, 19.02.2020.

Dostaviti:

Bosna i Hercegovina
Federacija Bosna i Hercegovina
Parlament Federacije BiH – Predstavnički dom
n/r Mirsad Zaimović, predsjedavajući

Uputiti: Vlada Federacije Bosne i Hercegovine
Ministarstvo zdravstva
n/r ministar Vjekoslav Mandić

**PREDMET: Prijedlog Zakona o izmjenama i dopunama Zakona o zdravstvenoj zaštiti
FBiH – skraćeni postupak**

Poštovani,

Na osnovu članova 11., 163., 172. i 179. Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, broj 69/07 i 2/08), Vladi FBiH, upućujem **Prijedlog Zakona o izmjenama i dopunama Zakona o zdravstvenoj zaštiti FBiH – skraćeni postupak** („Službene novine Federacije“, broj 46/10 i 75/13):

Član 1.

U Zakonu o zdravstvenoj zaštiti FBiH („Službene novine Federacije“, broj 46/10 i 75/13) u članu 137., stav 2. iza riječi: „studija“ dodaju se riječi „i drugim visokoškolskim ustanovama koje izvode studijske programe, a koji su usko vezani za zdravstveno zanimanje“, te iza riječi: „usmjerenja.“ dodaju se riječi „Zdravstvenim radnicima smatraju se i logopedi, medicinski tehnolozi, biomedicinski inženjeri, biolozi u zdravstvu, klinički psiholozi, medicinski fizičari, fonetičari i nutricionisti ako obavljaju zdravstvenu djelatnost u procesu dijagnostike i liječenja. Zdravstveni radnici osposobljavaju se školovanjem u punoj nastavnoj satnici teoretske i praktične nastave, kojom se postižu rezultati učenja i stiču potrebne kompetencije.“

Član 2.

Ovaj zakon stupa na snagu narednog dana od dana objave u „Službenim novinama Federacije BiH“.

I - USTAVNI OSNOV

Ustavni osnov za donošenje ovog zakona sadržan je u članu III.2. tačka b), Ustava Federacije Bosne i Hercegovine, prema kojima je u zajedničkoj nadležnosti Federacije i Kantona donošenje propisa o zdravstvu, a Parlament Federacije, uz ostala ovlaštenja predviđena Ustavom, odgovoran je za donošenje zakona kojima se reguliraju pitanja vezana za organizaciju zdravstva i zdravstvene zaštite u FBiH

II – RAZLOZI ZA DONOŠENJE

Postojećim zakonskim rješenjem nije na adekvatan način regulirano i definisano pitanje zdravstvenih radnika u FBiH i tako se istim trenutačno smatraju samo one osobe koje se obrazuju na medicinskom, stomatološkom, farmaceutskom ili farmaceutsko - biohemijskom fakultetu, fakultetu zdravstvenih studija i srednjim školama zdravstvenog usmjerenja te se tim putem iz ovog pojma isključuje veliki broj ljudi koji rade u zdravstvu i trebali bi biti prepoznati kao zdravstveni radnici.

Ovim prijedlogom izmjena i dopuna zakona u definiciju zdravstvenog radnika se žele uključiti osobe koje rade u zdravstvu, a nisu tretirani kao zdravstveni radnici, a to su logopedi, medicinski tehnolozi, biotehnolozi, biomedicinski inženjeri, biolozi u zdravstvu, klinički psiholozi, medicinski fizičari, fonetičari i nutricionisti. Ovom pravnom izmjenom će se izvršiti veoma važan akt izjednačavanja prava i obaveza svih radnika u zdravstvu i integriranja pojedinaca čije obrazovanje i profesionalno usmjerenje nije isključivo iz aspekta zdravstvenih fakulteta, ali je njihov rad usmjeren na dijagnostiku i liječenje, a kao takav je izuzetno značajan za kompletan zdravstveni sistem.

III – OBRAZLOŽENJE PREDLOŽENIH PRAVNIH RJEŠENJA

Član 1. Ovim članom se dopunjuje stav 2. člana 137. važećeg Zakona koji definiše pojam zdravstvenih radnika, a predloženim pravnim rješenjem isti se pojam proširuje novim zvanjima.

Član 2. Ovim članom se određuje stupanje na snagu ovog zakona.

IV – FINANSIJSKA SREDSTVA

Za provođenje ovog zakona nije potrebno osigurati dodatna sredstva u Budžetu Federacije Bosne i Hercegovine.

Zakon o zdravstvenoj zaštiti FBiH („Službene novine Federacije“, broj 46/10 i 75/13)

Odredbe posotojećeg zakona koje se dopunjuju ili mijenjaju

Član 137.

Zdravstveni radnici su lica koja imaju obrazovanje zdravstvenog usmjerenja i neposredno u vidu zanimanja pružaju zdravstvenu zaštitu stanovništvu, uz obavezno poštovanje moralnih i etičkih načela zdravstvene struke.

Zdravstveni radnici obrazuju se na medicinskom, stomatološkom, farmaceutskom ili farmaceutsko- biohemijском fakultetu, fakultetu zdravstvenih studija i srednjim školama zdravstvenog usmjerenja.

Obaveza je zdravstvenih radnika da pri pružanju zdravstvene zaštite postupaju prema pravilima zdravstvene struke, na način da svojim postupcima ne ugroze život i zdravlje ljudi.

Zdravstveni radnici mogu se osigurati od odgovornosti za štetu koju bi mogli počinuti obavljanjem zdravstvene djelatnosti.

Ustanova u kojoj su zaposleni zdravstveni radnici može se osigurati od odgovornosti za štetu koju bi mogli počinuti zdravstveni radnici uposleni u ovoj ustanovi u obavljanju zdravstvene djelatnosti.

S poštovanjem,



Amela Kuskunović

Poslanica u Predstavničkom domu Parlamenta Federacije BiH
Naša stranka